

QVAESTIO MEDICA

MATVTINIS AGITANDA DISPVTATIONIBVS

IN SCHOLIS MEDICORVM DIE MERCVRII XXI. MARTII

Magistro ANDREA LE GROS Doctore Medico Moderatore prudentissimo.

Esne Marasmus insanibilis?

DEVS & Natura nihil frustra faciunt, omniaque propter hominē sunt creata, quae Medicinæ artium præstantissimæ & prorsus necessariae subiciuntur, inque partim vt alimentis, partim vt medicamentis ad sanitatem tuendam & restituendam vtitur: qui vt temperatissimus, ita *βραχυδύτης & νοσημάτων πάμφορος*. Quadripartitus vitæ suæ cursus hoc demonstrat. Adoleſcentia sanguinea, morbis sanguineis, qui mitiores sunt: Iuuentus, quæ grauius & frequentius ægrotat quam alia, biliosis acutioribus: virilitas melancholicis & atrabilariis contumacibus: Senectus morti contermina, quæ tota morbus est, pituitosis & longis vix curabilibus vt plurimum est obnoxia.

MORBORVM causa statuitur triplex, Procatartica, Antecedens, & Coniuncta. Procatartica à rebus externis non naturalibus dictis, quæ sanitatem seruant & destruunt, & aliis fortuitis casibus sumitur. Antecedens, quæ interna est & ab illa proficiscitur, duplex est, *παθηδός*, sanguinis quatuor humores complectentis exuperantia: & *καρξία*, eorundem simul humorum, vel vnus duntaxat vitiosa qualitas: quæ nisi purgatione, & sanguinis missione, Vere præsertim salubri & temperato, vomitu, inedia, balneo, frictionibus, excitatione, sudore minuantur, corpus totum aut eius partes multa patiuntur incommoda. Hinc Lethargus, Apoplexia, Epilepsia, Angina, Ophthalmia, Pleuritis, Peripneumonia, Hepatitis, Icterus, Elephantiasis, Leucophlegmatia scaturiunt, si Cerebrum, fauces, oculos, pleuram, pulmonem, & Iecur, aut vniuersam cutem occupent istæ causæ. Coniuncta ab Antecedente nascitur & fouetur, vt pote quæ nouam materiā ei suggerit, eique ita cohaeret morbus, vt ea manente maneat recedēte dispareat.

INTER morbos communis & frequens est febris, innati caloris *πύρρις*. Cuius subiectum triplex est, spiritus, humor, & pars solida. In spiritu, Diaria & Synochus simplex: In humore, siquidem extra vasa putrescat, alia intermittens, quæ periculo vacat, vt Quotidiana, quæ quotidie redit, in pituita: Tertia, quæ alternis diebus repetit, & septem paroxysmis terminatur, in bile: Quartana, omnium longissima, quæ quarto die, & raro bis in vita recurrit, in melancholia aut atra bile accenditur: Alia continua, quæ ab eadem materia intra vasa non procul à Corde, quo nisi affecto febris non est, corrupta, fit: Eaque iisdem, quibus intermittens diebus reuertitur, reduplicatur, & exacerbatur, Quotidiana singulis diebus, Tertia tertio, Quartana quarto die. Synochus putris à corrupto in venis sanguine ex continuorum numero est, vt & febris ardens *χρόνος & πυρ* summo Medico nunc upata, omnium calidissima. Pestilens febris, ferox bellua, quæ nullis etiam temperatis parci, à cælesti & elementari regione ortum habēs, omnis putrida est, siue spiritus, siue humores, siue solidam partium substantiam obſideat. Cuius præcautioni & curationi præter *ἀλγίτρεία*, peraluum & venas nō aspernanda vacuatio, nisi *ἱερὰ ἡμέρα*, carbunculi, & bubones appareant.

PARTI solida Hæctica inhaeret, quæ raro per se incipit, sed aliis superuenit aut succedit morbis. Hæc febris triplex est, incipiens, media, confirmata siue *μαρσός*, pro triplici febrilis caloris gradu, qui lucernæ flammam imitando triplicem humorem depopulat. Incipientis difficilis dignotio, facilis curatio: vterius progressa vix curatur, & extenuatio totius corporis, si febris aliqua aut alius morbus præcesserit. Consummatam indicant vrina pinguis & oleosa, squalor totius corporis, retracta hypochondria, venter depressus & veluti inanis, facies cadauerosa & Hippocratica, quæ nullam recipit curationem.

CVRATIO fit per contrarium, in omni morbo etiam deplorato tentanda. Curationis febrium communis scopus refrigeratio & humectatio, si siccitas adsit. Humoralibus continuis, necnon intermittentibus, duo magna & summa remedia necessaria sunt *χρῆσις & φαρμάκω*, omni ætati, temperamento, sexui etiam prægnantibus innoxia. Diariz & Synocho non putri partum conueniunt. Hæctica simplici nullo modo, nisi alui durities cassam, vel rorem Syriacum, aut blandum clysterem qui refrigerando humectet, requirat. Huic febrī consummata irrita sunt remedia. Incipienti & in augmento prodesse possunt refrigerantia & humectantia alimenta, Epithemata thoracis, ventris, & hypochondriis adtatis notis probatum, carnes elixæ potius quam asæ, iuscula, oua forbilia, pisces saxatiles, testudines, coehæz, ranæ, cancri fluuiales, hordeata, amygdalata, panes Marfi. In potu aqua hordei distillatis instaurantibus vtendum. Quibus opportunè adhibitis recuperandæ sanitatis spes est, in Marasmo nulla.

Ergo Marasmus insanibilis.

Asserebat GVILLIELMVS DESDAMES Rothomagens, Anno Dom. 1612.

